

Fundargerð skólaráðs (1.fundur)

Dagsetning: 6/1/2010

Mættir: *Helgi Grímsson skólastjóri, Ólöf S. Sigurðardóttir aðstoðarskólastjóri, Gunnar Richardsson forstöðumaður Garðalundar, Kristín Birna Benónýsdóttir nemandi í 9.bekk, Þórey Halldórsdóttir kennari, Jóhanna Elísa Magnúsdóttir leikskólakennari, Elfa Hrönn Friðriksdóttir kennari, Einar Páll Tamimi fulltrúi foreldra, Berglind Víðisdóttir fulltrúi foreldra*

Mánudaginn 28. september 2009, kl. 16.30 kom skólaráð Sjálandsskóla saman til fundar í skólanum.

Fyrir var tekið:

Helgi fór yfir starfssvið skólaráðs. Ákveðinn fastur fundartími síðasti mánudagur í mánuði klukkan 16:30.

Farið yfir vinnuáætlun skólaráðsins. Einar Páll leggur til að allir nefndarmenn lesi reglugerðina um skólaráðið. Ákveðið var að Helgi sendi slóð á reglugerðina um skólaráðið. Rætt um þátttöku nemenda í skólaráðinu og fannst fundarmönnum að nemendur eigi helst að mæta á þessa fundi nema sérstakar aðstæður krefjist annars s.s. þegar tekið er á málum sem snerta einstaka nemendur.

Skólapúlsinn: Helgi kynnti nýtt kerfi sem skólinn hefur tekið í notkun en markmið þess er að útvega skólastjórnendum og skólaskrifstofum áreiðanleg, langtímamiðuð samanagerðarhæf og aðgengileg gögn um mikilvæga þætti í skólastarfinu. Foreldrar hafa þegar verið upplýstir um þetta nýja kerfi. Elfa velti því upp hvort upplýsingar fyrir foreldra hafi skilað sér nægilega vel en foreldrar sem vildu ekki að börn sín tækju þátt í könnunum áttu að skila neitun þess efnis. Á fundinum kom fram að foreldrar fengu sendan póst þar sem þetta kerfi var útskýrt. Netfang verkefnisins er eftirfarandi www.skolapulsinn.is

Helgi útskýrði nýtt skipulag á list- og verkgreinum. Unnið er í lotum í listgreinum. Með nýja fyrirkomulaginu eykst möguleiki á tengingum á milli list- og verkgreina og umsjónarkennslunnar. Ástæðan er sú að sérgreinakennarar eru með lausa tíma sem þeir geta notað inn í þemunum. Annað fyrirkomulag er í 7.bekk þar sem nemendur eru 25 í einum umsjónarhóp. Þar eru nemendur hálfan veturinn í hverri listgrein. Þórey bendir á að ekki sé æskilegt að hafa tölvurtímana í hringekjunni – tölvur þurfa að dreifast jafnt yfir veturinn. Sama á við um heimilisfræðina – aðrir fundarmenn tóku undir þetta sjónarhorn. Einar Páll velti upp spurningunni hvort ekki væri ástæða til að taka upp listir sem reyna

frekar á framkomu s.s. dans og leiklist. Fundarmenn voru sammála því að það væri ástæða til að skoða það.

Rætt var um tölvukost skólans. Starfsmönnum finnst vera áberandi skortur á tölvum-sérstaklega á unglingastigi. Mikil fjölgun hefur verið á nemendum en engar tölvur hafa bæst við. Skólaráð telur að bæta verði úr þessu. Mikilvægt að skólaráðið sendi bréf um leið og fjárhagsáætlun verði unnin þar sem hvatt er til að keyptar verði fleiri tölvur. Helgi tekur að sér að kanna fjölda á tölvum í Sjálandsskóla til samanburðar við hina skólana.

Val á unglingastigi – Helgi kynnti valið og útskýrði. Mikilvægt er að binda valið á næsta ári þannig að allir nemendur velji a.m.k. einn í þróttatíma á viku. Kristín Birna leggur til að valið verði úr hverjum þætti – matargerð – íþróttir – listir. Fundarmönnum leyst vel á þessa hugmynd. Upplýst var um það að íþróttatímum yrði bætt við kennsluna í 8. og 9.bekk

Upphaf skólaársins – 240 nem í Sjálandsskóla og 50 í Alþjóðaskólanum. Helgi fór yfir fjölda hópa og stuðning. Allmikil forföll hafa verið í upphafi skólaárs.

Nýja byggingin er komin í gagnið og flest gengið vel þar. Um áramótin mun rekstrarhlið nýja íþróttahússins færast yfir á íþróttahúsið.

Gunnar benti á að gott væri að fá sendar upplýsingar fyrir fundinn um helstu mál sem liggja fyrir. Aðrir fundarmenn tóku undir þetta.

Fleira ekki gert. Fundi slitið kl.17:30